



საქართველო
ქალაქ რუსთავის მუნიციპალიტეტის
მერია
GEORGIA
RUSTAVI CITY MUNICIPALITY
CITY HALL



N 17032-02
15/11/2019

ქალაქ რუსთავის მუნიციპალიტეტის
საკრებულოს თავმჯდომარეს
ბატონ **ლევან ონიანს**

ბატონო ლევან,

„ადგილობრივი თვითმმართველობის კოდექსის“ 54-ე მუხლის 1-ლი პუნქტის „გ.ა“ ქვეპუნქტისა და „საქართველოს საბიუჯეტო კოდექსის“ 77-ე მუხლის მე-8 და მე-9 პუნქტების შესაბამისად წარმოგიდგენთ ქალაქ რუსთავის მუნიციპალიტეტის 2020 წლის ადგილობრივი ბიუჯეტის პროექტს.

პატივისცემით,

ირაკლი ტაბალუა

ქალაქ რუსთავის მუნიციპალიტეტის მერი
ქალაქ რუსთავის მუნიციპალიტეტის მერია

ქალაქ რუსთავის მუნიციპალიტეტის 2020 წლის

ბიუჯეტის პროექტის

განმარტებითი ბარათი

ქალაქ რუსთავის მუნიციპალიტეტის 2020 წლის ბიუჯეტის პროექტით შემოსულობები განისაზღვრა 46 306,4 ათ. ლარით. მათ შორის: გადასახადების გეგმა - 38 753,6 ათ. ლარით; სხვა შემოსავლების გეგმა - 4 723,0 ათ. ლარით; არაფინანსური აქტივების კლებიდან იგეგმება - 1 000,0 ათ. ლარი; გრანტების გეგმა განისაზღვრა 500,0 ათ. ლარით, მიზნობრივი ტრანსფერი. ასევე განისაზღვრა 2019 წლის ბიუჯეტიდან წლის ბოლოს დარჩენილი საპროგნოზო ნაშთი ოდენობა 1 329,8 ათ. ლარით.

2020 წლის ბიუჯეტის პროექტით განსაზღვრული შემოსულობები და სავარაუდო ნაშთი, სულ 46 306,4 ათ. ლარი, გადასახდელების ნაწილში დაიგეგმა პრიორიტეტების შესაბამისად და გადანაწილდა მუხლობრივად:

ხარჯები - 38 907,9 ათ. ლარი.

შრომის ანაზღაურება - 15 295,7 ათ. ლარით განისაზღვრა მუნიციპალიტეტისა და მის მიერ დაფუძნებული იურიდიულ პირებში დასაქმებული თანამშრომლების ხელფასის ფონდი.

საქონელი და მომსახურება - 14 646,5 ათ. ლარი. მათ შორის: შტატგარეშე მომუშავეთა ანაზღაურება მუნიციპალიტეტისა და მის მიერ დაფუძნებული იურიდიულ პირებში დასაქმებულ თანამშრომლებზე; მივლინებები დაფინანსდება, როგორც ქვეყნის შიგნით, ასევე ქვეყნის გარეთ. ოფისის ხარჯებში გათვალისწინებულია თვითმმართველობაში შემავალი სტრუქტურული ერთეულების ნორმალური ფუნქციონირებისათვის სხვადასხვა სახის ხარჯი; წარმომადგენლობით ხარჯებში დაგეგმილია წლის მანძილზე სხვადასხვა კულტურულ ღონისძიებებზე მოწვეული სტუმრების გამასპინძლება, სხვადასხვა სახის საჩუქრებისა და სუვენირების შეძენა-დამზადება; ტრანსპორტის ექსპლუატაციისა და მოვლა-შენახვის ხარჯები გათვლილია თვითმმართველობისა და მის მიერ დაფუძნებულ იურიდიულ პირებში ბალანსზე რიცხული ავტოსატრანსპორტო საშუალებების მიმდინარე რემონტისა და სათადარიგო ნაწილებისთვის; ასევე საწვავ-საპოხი მასალების შეძენა; დაგეგმილია სახელშეკრულებო წესით შესასრულებელი სხვადასხვა სახის სამუშაოებისა და მომსახურების შესყიდვა.

პროცენტი - 97,0 ათ. ლარი გათვალისწინებულია მუნიციპალური განვითარების ფონდიდან წინა წლებში აღებული სესხის პროცენტის დასაფარად.

სუბსიდიები - 2 382,5 ათ. ლარით თვითმმართველობა სუბსიდირებას უწევს ავტოსატრანსპორტის საწარმოსა და სპორტულ კლუბებს (რაგბი და კალათბურთი).

გრანტები - 4,5 ათ. ლარი გათვალისწინებულია ენერგო ქალაქების საწვევოს დასაფინანსებლად.

სოციალური უზრუნველყოფა - 3 541,0 ათ. ლარი განკუთვნილია ქალაქის სოციალურად დაუცველი ფენების მუნიციპალურ ავტოსატრანსპორტის შეღავათებზე; წყლის გადასახადზე; იმუშავეებს უფასო კვების პროგრამა; გათვალისწინებულია მოსახლეობის შეღავათები მედიკამენტებზე, საქართველოს ერთიანობისათვის დაღუპულ მეთმართა ოჯახების მატერიალური დახმარება, შეზღუდული შესაძლებლობების მქონე ბავშვთა ცენტრის ხელშეწყობა და სხვა.

სხვა ხარჯები - 2 940,7 ათ. ლარი გამოწეულია თვითმმართველობის ავტოპარკის დაზღვევისათვის; ასევე მოიცავს საცხოვრებელი და არასაცხოვრებელი შენობების რეაბილიტაციას; ამასთანავე ფინანსდება ამხანაგობების ხელშეწყობის ფარგლებში საცხოვრებელი კორპუსებში კეთილმოწყობის სამუშაოები.


არაფინანსური აქტივების ზრდა - 6 921,5 ათ. ლარი გაგრძელდება ქალაქში ინფრასტრუქტურული პროექტები და შესყიდულ იქნება ა(ა)იპ-ების მხრიდან ის ინვენტარი/ტექნიკა, რაც მათი სამუშაო პროცესისათვის არის საჭირო.

ვალდებულებების კლება - 477,0 ათ. ლარი გათვალისწინებულია მუნიციპალური განვითარების ფონდიდან წინა წლებში აღებული სესხის ძირი თანხის დასაფარად.


შენიშვნა: მერის სარეზერვო ფონდი განისაზღვრა 350,0 ათ. ლარით.

ამრიგად, ქალაქ რუსთავის მუნიციპალიტეტის 2019 წლის ადგილობრივი ბიუჯეტის პროექტით, როგორც შემოსულობების, ასევე ხარჯების ნაწილი განისაზღვრა 46 306,4 ათ. ლარით.

რამაზ ხარშილამე 
მეორადი სტრუქტურული ერთეულის ბიუჯეტის
დაგეგმარებისა და სახაზინო განყოფილების
მეორე კატეგორიის უფროსი სპეციალისტი


ლევან კავთიაშვილი
პირველადი სტრუქტურული ერთეულის საფინანსო-
საბიუჯეტო სამსახურის ხელმძღვანელი

ინგა კვარაცხელია 
მეორადი სტრუქტურული ერთეულის ბიუჯეტის
დაგეგმარებისა და სახაზინო განყოფილების
ხელმძღვანელი


მამუკა მამუიაშვილი
პირველადი სტრუქტურული ერთეულის საფინანსო-
საბიუჯეტო სამსახურის ხელმძღვანელის მოადგილე